

**Ka Moporesidente  
Dieter F. Utchtdorf**

Mogakolodi wa Bobedi mo  
Boporesidenteng jwa Ntlha



# Ke Eng Re Tlhoka Baporofiti?

**K**a gore Rraetsho yo o kwa Legodimong o rata bana ba Gagwe, Ga a ba tlhogela go tsamaya mo botshelong jwa lefatshe le ba sena tshupegetso le kaelo. Dithuto tsa ga Rraetsho yo o kwa Legodimong ga se tlwaelo, tse di itsegeng, di amogelesegile ele mofuta yo o ka o selang mo bukaneng kwa marekisetso a dibuka a selegae. Ke tsa Motshidi wa Selesiale yo o maatla-otlhe, a na le kitso-yotlhe yo o ratang bana ba Gagwe. Mo gontsi mo mo mafokong a Gagwe ke sepiri sa dingwaga— senotlolo sa boitumelo mo botshelong jo le mo lefatshe le le tlang.

Rraetsho yo o kwa Legodimong o senola bothale jo go bana ba Gagwe mo lefatshe ka batlhanka ba Gagwe baporofiti (bona Amos 3:7). Go tswa mo malatsing a ga Atamo, Modimo o buile go bana ba Gagwe ka diorakele (metswedi ya bothale) eo e rebotsweng ka go senola thato ya Gagwe le kgakololo go ba bangwe. Baporofiti ke barutuntshi bao ba ba tlhotlheleditsweng mme ba nna ka metlha ele basupi ba ga Jeso Keresete (bona D&C 107:23). Baporofiti ga ba bue fela go batho ba nako ya bone, mme gape ba bua le batho ka nako tsotlhe ka bophara. Mantwe a bone a boelediwa ka dingwaga tsa makgolo ele kgologano ya thato ya Modimo go bana ba Gagwe.

Gompiano ga go farologane gotsweng mo dingwageng tse di fetileng. Morena ga a rate batho ba letsatsi

la rona gole gonnye gona le ka dinako tse di fetileng. Nngwe ya melaetsa e e galalelang ya Puseletso ya Kereke ya ga Jeso Keresete ke gore Modimo o tswela a bua go bana ba Gagwe! Ga a iphitlha kwa magodimong mme o bua gompiano jaaka a dirile mo malatsing a bogologolo.

Bontsi jo Morena a bo senolang go baporofiti ba Gagwe bo ikemiseditse go kganela bohutsana gorona ka bongwe le rele batho. Fa Modimo a bua, O dira jalo go ruta, go tlhotlheletsa, go tokafatsa, le go tlhagisa bana ba Gagwe. Fa ka bongwe kana re le batho re itlhokomolosa ditaelo tsa ga Rraetsho yo o kwa Legodimong, re dira jalo ka bodiphatsa jwa teko, khutsafalo, le pereko.

Modimo o rata bana ba Gagwe bothle. Ke sone se a ikuwelang thata le rona ka baporofiti ba Gagwe. Fela jaaka re batla se se gaisang go bao re ba ratang, Rraetsho yo o kwa Legodimong o batla seo se gaisang go rona. Ke sone se ditaelo tsa Gagwe di leng bothokwa-tlhokwa mme fa gongwe dile potlako. Ke sone se a sa re latlang gompiano mme a tsweleng ka go senola thato ya Gagwe ka baporofiti ba Gagwe. Phelelo ya rona le phelelo ya lefatshe la rona e ikaegile mo go utlweng le go sekegeleng lefoko le le senotsweng la Modimo go bana ba Gagwe.

Ditaelo tse di senang tlhwalhwa go batho ka bophara di fitlhelwa mo Baebeleng, Buka ya ga Momone,

Dithuto le Dikgolagano, le Perele ya Tlhwatlhwa e Kgolo. Mo godimo ga moo, Morena o bua go rona ka batlhanka ba Gagwe, jaaka A tsile go dira gape ka konferense e e tlang ya kakaretso.

Go bao botlhe ba ba ipotsang gore a selo seo se ka nna teng—bao ba ka nnang ba botsa gore, “A go a kgonega gore Modimo a bue le rona gompiano?”—ka pelo yame yotlhe Ke go laletsa gore “otle o bone” (John 1:46). Bala lefoko la Modimo jaaka fa le fitlhelwa mo mafokong a tumelo. Reetsa konferense ya kakaretso ka tsebe e e eletsang go utlwa lentswe la Modimo leo le filweng ka baporofofi ba Gagwe ba malatsi a bofelo. Tlaya, utlwa, mme o bone ka pelo ya gago! Fa o senka “ka pelo tse dinnete, ka maikaelelo a nnete, lona le tumelo mo go Keresete, [Modimo] o tlaa supa boammaaruri jwa sone go lona, ka thata ya Mowa o o Boitshepo” (Moroni 10:4). Ka le mo maatlang a, Ke a itse gore Jeso Keresete o a tshela e bile o supegetsa Kereke ya Gagwe ka moporofofi yo o tshelang, le tota ka Moporesidente Thomas S. Monson.

Barwarre le bokgaisadiaka, Modimo ka tota o a bua go rona gompiano. Mme O eletsa gore bana ba Gagwe botlhe ba reetse ebe ba dira sa lentswe la Gagwe. Jaaka re dira jalo, Morena o tlaa re segofatsa le go gore tlamela thata, gotlhe mo botshelong jo le ka mafatshe a a tlang.

## BONANA

### Goetelelwapele ke Moporofiti yo o Tshelang

Ka Christy Ripa

**E**rile ke 16, Ke ne ka nna le tshono ya go tsenelela konferense ya kakaretso ka bona Iwantlha.

Lelwapa lame le ne le tshela ko Oregon wa bophirima, mo USA, mme re ne ra kgweetsa kwa Utah go tsenelela konferense le go folosa morwarre yo mogolwane kwa senthareng ya ikatiso boanamisa tumelo.

Ke ne ka ya ko konferenseng ka keletso ya go rutwa ke Mowa o o Boitshepo. Ka maduo ao, Ke ne ka amogela tshupegetso gotsweng go Mowa eo Ke neng ka seke ka e amogela fa ke ne ke sa ipaakanya.

Ka sebaka sa nngwe ya diphuthego, mongwe le mongwe o ne a ema mme a opela sefela sa phuthego, “Re Kaele, O Jegofa yo Mogolo.” Jaaka fa re ne re opela, Ke ne ka nna le thotlhetsetso e e kgethegileng go leba mo tikologong ya Senthara ya Konferense. Ke ne ka dira jalo mme ke ne ka tlhajwa ke maatla a tshwaragano ya batho ba ba dikete koo jaaka rotlhe re ne re tsholetsa mantswa a rona re rorisa Modimo.

Jalo Ke ne ka nna le maitemogelo kook e neng ka ikutlwa jaaka Nephi fa a ne a bona pono ya setlhare sa botshelo, gonne Mowa o ne wa mpoletlela gore, “Leba” (see 1 Nephi 11–14). Ke ne ka lebelela kwa go Moporesidente Thomas S. Monson mme ka ikutlwa gore botshwaragano jwa Kereke bo teng ka gore re eteletswepele ke moporofofi yo o tshelang. Ka bosupi jwa Mowa o o Boitshepo, Ke itse gore Moporesitente Monson ke moporofofi wa boammaaruri wa letsatsi la rona, gape Ke itse gore Jeso Keresete o etelelapele Kereke ka ene.

©2012 ka Intellectual Reserve, Inc. Tetla tsothe di beilwe. E gatisitswe mo USA. Tetla ya Sekgoa: 6/11. Tetla ya Thanolo: 6/11. Thanolo ya *First Presidency Message, March 2012*. Tswana. 10363 763



Tumelo, Lelwapa, Thuso

## Barwaetsana mo Bogosing Jwame

*Bala sedirisiwa se, fa go tlhokega, buisanya le bakaulengwe bao ba etelang. Dirisa dipotso go thusa gore o nonotshe bakaulengwe mme o dire Mokgatlo wa Thuso gore e nne nilha nngwe ya botshelo jwa gago e e tlhaga.*

**R**e barwaetsana ba ga Rraetsho yo o kwa Legodimong. O a re itse, o a re rata, gape o na le thulaganyo go rona. Karolo ngwe ya thulaganyo eo e balelela go tla mo lefatsheng go ithuta go tlhophela molemo godimo ga bosula. Fa re ithophela go tshegetsela melao ya Modimo, re Mo tlotla le go mo itsise borona rele barwaetsana ba Modimo. Mokgatlo wa Thuso o re thusa go gakologelwa boswa jo jwa selegodimo.

Mokgatlo wa Thuso le ditso tsa one di re thatafatsa le go re rotloetsa. Julie B. Beck, mopresidente wa Mokgatlo wa Thuso ka karetsa o ne are: “Jaaka rele barwaetsana ba Modimo, re ipakanyetsa maemelo a bosakhutlheng, mme mongwe le mongwe wa lona o na le tshadi ya gagwe, tlhologo, le maikarabelo. Katlego ya malwapa, metse, le Kereke e, le thulagano ya pholoso ya tlhwalhwa e ikaegile mo boikanyegong jwa gago. . . . [Rraetsho yo o kwa Legodimong] o ikemiseditse gore Mokgatlo wa Thuso o thuse go aga batho ba Gagwe le go ba bakanyetsa masego a tempele. O ne a nitamisa [Mokgatlo wa Thuso] go lebaganya barwaetsana ba Gagwe le tiro ya Gagwe le go lateledisa thuso ya bone mo go ageng

bogosi jwa Gagwe le go thatafatsa magae a Sione.”<sup>1</sup>

Rraetsho yo o kwa Legodimong o re file tiro e e tlhamaletseng go thusa go aga Bogosi jwa Gagwe. O re segofaditse gape ka dimpho tsa semowa tse re di tlhokang go diragatsa tiro ya eo e e kgethegileng. Ka Mokgatlo wa Thuso, re na le ditshono go dirisa dimpho tsa rona go thatafatsa malwapa, go thusa bao ba ba tlhokang, le go ithuta gore re tshele jang rele barutwana ba ga Jeso Keresete.

Mopresidente Dieter F. Uchtdorf, Mogakolodi wa Bobedi mo Bopresidenteng jwa Ntlha, o ne a re ka borutwana: “Ka go tsamaya ka bopelotelele mo tseleng ya borutwana, re bontsha go rona sekale sa tumelo ya rona le maikemisetso a rona go amogela thato ya Modimo gona le ya rona.”<sup>2</sup>

Tla re gakologelweng gore re barwaetsana ba Modimo mme re leke ka bojotle go tshela jaaka barutwana ba Gagwe. Jaaka fa re dira jalo, re tla bo re thusa go aga bogosi jwa Modimo fana mo lefatsheng mme re nne boitshepo go boela fa pele ga Gagwe.

### **Gotsweng mo Ditsong tsa Rona**

Ka Moranang 28, 1842, Mopofiti Joseph Smith o ne are go

bakaulengwe mo Mokgatlong wa Thuso: “Jaanong le beilwe mo seeming seo le ka direlang go yeng ka boikutlwelo botlhoko joo Modimo a bo jwetseng mo go [lona]. . . . fa o tshela ditshono tsa gago, baengele ga bane ba kganelwa gore e nne bo mmata ba gago.”<sup>3</sup>

Go lemoga maatla a Mokgatlo wa Thuso go direla ba bangwe le go thusa batho go oketsa tumelo, Zina D. H. Young, mo poresidente wa boraro wa Mokgatlo wa Thuso wa kakaretso, o ne a solofetsa bakaulengwe ka 1893, “Fa lo ka epa mo boteng jwa dipelo tsa lona lo tlaa bona, ka thuso ya Mowa wa Morena, perele ya tlhwathwa e kgolo, bopaki jwa tiro e.”<sup>4</sup>

### **DINTLHA**

1. Julie B. Beck, “‘Daughters in My Kingdom’: Ditso le Tiro ya Mokgatlo wa Thuso,” *Liahona*, Nov. 2010, 112, 114.
2. Dieter F. Uchtdorf, “The Way of the Disciple,” *Liahona*, Motsheganong 2009, 76.
3. Joseph Smith, mo *Ditso tsa Kereke*, 4:605.
4. Zina D. H. Young, “How I Gained My Testimony of the Truth,” *Jenale ya Young Woman*, Apr. 1893, 319.

### **Gotsweng Mafokong a tumelo**

Zechariah 2:10; Doctrine and Covenants 25:1, 10, 16; 138:38–39, 56; “The Family: A Proclamation to the World” (*Liahona* and *Ensign*, Nov. 2010, 129)

***Ke ka dirang?***

- 1.** Ke ka thusa jang bakaulengwe bame go fitlhelela kwa batshwane-tseng ele barwaetsana ba Modimo?
- 2.** Ke ka diragatsa jang mo botshe-long jwame kgakololo le tlhagiso eo e filweng basadi mo Dithuto le Dikgakololo 25?

Go bona molaetsa yo montsi, ya ko  
[www.reliefsociety.lds.org](http://www.reliefsociety.lds.org)